

Pasaran ayam organik tinggi

► Alumni UMS usahakan industri ternakan ayam secara besar-besaran

UB 18.12.2018 AF

Oleh YAP SIONG HAN

KOTA KINABALU: 'Hulu Langat Free Range Chicken' hasil kudrat ikon Alumni Universiti Malaysia Sabah (UMS), Dr Toong Foo Weng, mampu menghasilkan lebih 27,000 ekor ayam bagi satu sesi di kawasan ladang seluas 20 ekar.

Menurut Toong, ladang yang mula diusahakan sejak 2014 di Hulu Langat Selangor itu mempunyai 18 kandang yang mampu memuatkan sejumlah 1,500 ekor ayam dalam satu kandang.

"Ayam yang diternak dalam ladang ini adalah 100 peratus organik tanpa menggunakan suntikan antibiotik dan hormon. Permintaan terhadap bekalan ayam organik adalah sangat tinggi dalam pasaran

sekarang.

"Justeru, ini menguatkan lagi keazaman saya untuk menggandakan usaha menghasilkan bekalan ayam organik berkualiti dan bermutu tinggi dalam jumlah besar bagi memenuhi permintaan pasaran.

"Ini sekali gus mampu menghasilkan pulangan pendapatan yang lumayan," katanya dalam satu kenyataan di sini pada Isnin selepas menerima kunjungan daripada Pengarah Pusat Alumni UMS Darwis Awang di ladangnya baru-baru ini.

Melihat kepada perniagaan ternakan ayamnya yang semakin berkembang, beliau kemudian mengambil peluang untuk memasarkan pulat telur ayam sertamakanan



DARWIS (kiri) melawat ke ladang ternakan ayam Toong (kanan).

ayam organik.

"Penghasilan telur ayam ini dilakukan di kawasan ladang seluas setengah ekar, makanan ayam organik pula dihasilkan di sebuah kilang pemprosesan berkeluasan 1,500 kaki persegi dan kedua-dua operasi ini baru bermula pada bulan Oktober tahun ini.

"Setakat ini, kami mempunyai dua kandang bagi menempatkan 3,000 ekor ayam penelur. Keunikan telur

yang dihasilkan itu adalah 100 peratus organik selain kaya dengan kandungan vitamin E," katanya.

Toong berkata, harga jualan runcit bagi telur ayam adalah

sekitar RM18 sekilogram, justeru beliau yakin mampu meraih pendapatan mencecah RM900,000 setahun.

"Bagi makanan ayam organik pula, pengeluaran

sebulan mampu mencecah 40 tan sebulan. Untuk itu, kami juga merancang pembesaran kilang pada masa hadapan bagi menampung sekiranya berlaku peningkatan


pengeluaran," katanya.

Beliau turut mempelawa mana-mana Alumni UMS yang berminat untuk berkongsi ilmu atau menjalinkan hubungan perniagaan serta sentiasa membuka pintu buat pelajar UMS yang berminat untuk melakukan latihan industri di tempatnya.

Mereka yang berminat boleh menghubungi Pusat Alumni UMS di talian 017-6809371.

"Ayam yang diternak dalam ladang ini adalah 100 peratus organik tanpa menggunakan suntikan antibiotik dan hormon. Permintaan terhadap bekalan ayam organik adalah sangat tinggi dalam pasaran sekarang."

DR TOONG FOO WENG



TOONG (kanan) menerangkan sistem pemprosesan makanan ayam organik kepada Darwis (kiri).